

1616

LA 5^e Caill. 17 12

HARANGVE

FAICTE AV ROY PAR
vn des premiers Magistrats
de France.

*Sur les moyens proposez à sa Majesté pour
la conseruation de son Estat & repos
de ses sujets.*



A PARIS

De l'Imprimerie d'Anthoine du Brueil,
près le carrefour S. Seuerin.

M. DC. XVI.

Avec Permission,

St. Paul, 1855

2161

Case

F

39

326

1616 h

THE NEWBERRY
LIBRARY



LA HARANGVE FAICTE

au Roy, par vn des premiers Magistrats de France, sur les moyens proposez à sa Maieité pour la conseruation de son Estat, & repos de ses suiectz.

SIRE,
Toute la Chrestienté, se moule à l'exé-
ple de vos royales vertus, & tous vos su-
iects s'attendent que vous ferez reluire
l'anciéne gloire de la Monarchie Françoisé: & n'est
pas sans suiect qu'on faict ce iugement, car le sang
illustre dont vous estes issu, & la bonne nourriture
que vous auez eüe de la plus vertueuse Royne qui
fut iamais en France, portent vostre naturel à vn a-
cte si genereux, & vous acquierent ceste creance
parmy les nations.

Et comme les Roys & particulièrement ceux de
France doiuent auoir de leur propre gesie quelque
chose qui les recommande, plus que tout l'acquis
qu'ils ont de leurs predecesseurs. Courage donc, n^o
Prince, sur lequel toute la Chrestienté fonde ses es-
perances, encherissez sur la gloire de vos parens,
faictes actes qui facent viure vostre nom en la me-
moire des Roys, & par lesquels vous rendiez im-
mortelle vostre couronne dans l'Eternité des siècles
à venir.

L'histoire est fort soigneuse de représenter les

premieres actions des grands Princes, d'autât qu'elles sont augures infallibles, de tout se qu'ils pourrôt jamais faire de louable. Vous donc, mon Prince sans pareil, en qui d'abord nous obseruons vne rareté sans exemple, presage du cours de vostre vie, gardez tousiours estroitement les choses qui s'ensuiuent, pour la conseruation de vostre Estat & repos de vos suiets.

SIRE, vous deuez donc premierement sçauoir que la Religion & la foy est l'appuy & soutien des Estats & Monarchies, que celle de la France fondée sur de plus heureux auspices, que toutes les autres dominations du monde, à tousiours eu pour l'vne de ses principales loix qui ont pourueu sa grandeur, l'amour de Dieu, le respect de la Religion, & l'obligation à vne foy inuiolable, la ruine de laquelle attirant avec foy la ruine de l'Estat, vous doit d'autant plus rendre loigneux de la conseruer: aussi disoit ce grand Empereur Constantin que l'Estat, *Magis religionibus quam officio labore et sudore corporis conseruatur*, est mieux conserué par la Religion que par seruice, travail, & sueur de corps: La Religion & la foy c'est le chain d'or fatal d'Elisée qui ne peut mourir si on le luy arrache, & que si la France, s'est releuée par dessus toutes les autres Monarchies & si longuement conseruée en la fleur de ses prosperitez c'est parce que nos Roys ont pris peine de faire fleurir la Religion en leurs Estats.

De là est-il, que comme anciennement on designoit vn Catholique par le seul nom de Romain, dont nous en auons les preuues fort certaines dans Gregoire de Tours, Procope, & autres Auteurs, coutume qui est venüe iusques à nous, que pour

5

marquer la Religion Catholique, vsant encôre du
terme de Romaine. que de mesmes autrefois pour
nommer vn bon Catholique, on l'appelloit François.
En ce nom de François, on entendoit la Religion
Chrestienne, & toutes les diuines vertus, qui l'ac-
compagnent, Car la France reluisoit en tant de pie-
té, qu'il sembloit que la pieté & la Religion ne pou-
uoïent estre mieux marquées que par ce mot de Frâ-
ce. En laquelle tant de superbes temples bastis, tant
de parroisses d'ortees, tant de Monasteres instituez
tant de Chapitres fondez, tant d'Eglises Cathedral-
les erigees, tant de Legs, tant de biens donnez aux
Ecclesiastiques, sont les marques patêtes de la pie-
té de nos Peres, les tesmoignages asseurez de la foy,
de nos ayeulx, & les pieuues infallibles du zeïe &
de la charité de vos Maieurs, de laquelle S I R E,
vous ne desfogerez iamais, & toutes vos actiôs n'e-
tendront qu'à conseruer l'vnion de ceste foy, le lien
de ceste Religion en vostre France: & comme les
deux Anges du Propitiatoire n'auoient qu'vn seul
obiet, ainsi pour la splendeur de vostre Estat vous
conseruerez inuiolablement ceste foy & ceste Re-
ligion plus ardante, en considerant celle de vos a-
yeulx.

En second lieu, S I R E, ce que le grand Dieu re-
quiert de vous, est que comme vous estes tenu & o-
bligé de garder la foy de vos Peres, aussi veut il qu'au
ministere de son Eglise, vous ayez à pourvoir gens
qui soient dignes & capables d'encenser ses autels,
& qu'aux Prelatures & dignitez Ecclesiastiques de
vostre Royaume, vostre Maïesté ne permette d'y
estre admis sinon des hommes vertueux, gés de bō-
ne vie, de doctrine & capacité recogneüe qui se

puissent dignement acquitter du deu de leur charge & deuoir. Que les abus introduits parmy nos Ecclesiastiques soient corrigez, les reuenus de l'Eglise employez selon les status des fondations & volonté des fondateurs : faire que tous resident sur les lieux selon les ordonnances qui en auoient esté faites par le Roy S. Louys de la bien-heureuse tige duquel vous estes descendu. & ne permettre qu'ils dependent les reuenus de l'Eglise, ailleurs que dās les lieux ou pour le meriter ils doiuent incessamment travailler, prier & vueiller : & ainsi ayant soing de faire florir l'Eglise, Dieu en recompense fera florir vostre Estat & benira vostre regne.

En troisieme lieu, ayez soing SIRE, d'entretenir vostre Noblesse, qui est le nerf & la force de vostre Estat, obligez vos Princes à vous estre d'autant plus fidelles qu'ils se recognoistront carrez de vostre bien-veillance, & ne permettez que l'on voye à la porte de vostre Louure ceux qui pour n'auoir esparagné ny leur sâg, ny leur bien, à seruir le feu Roy vostre Pere, de glorieuse memoire, sont maintenant reduits au petit pied, & passent le restent de leurs iours en vne extreme misere & pauvreté, donnez leur moyen de subsister, afin que cet exemple de bonté entretienne la Noblesse Françoisse en son deuoir, & coure de cœur & de courage es lieux ou il ira du service de vostre Maiesté : ayez les yeux ouuers sur les personnes qui se trouuent en vos Conseils, car cela est le poinct plus important de vostre Estat : & que les choses plus particulieres qui y sont resolües, proposees & arrestees, ne paruiennēt à la cognoissance du menu peuple, qui prend tout de la gauche, ce qui est donné de la droite : & ce à l'ex-

emple de ces grands Romains, qui auoient fait vne loy par laquelle il y alloit de la vie, pour qui que ce fut qui iroit reueler au peuple ce qui auoit esté fait au Senat: coustume obieruee encore en Espagne, & Turquie, ou sont cruellement punis les infidelles Conseillers d'Etat, & en plusieurs autres lieux.

En quatriesme lieu, pour ce qui est de vostre peuple S I R E, prenez garde au mesnage de vos finances & aux desordres & abus qui s'y commettent, & qui va à la foudre & oppression de vostre pauvre peuple chargé & fougé par les maluerfations de vos officiers. Aussi pour le fait de la Iustice, quelle soit rendue à vos pauvres suiets sans faueur, ny present mais par la seule consideratiõ du droict & de l'equité.

Entretenez les compagnies souueraines en leur libre & entière fonction, que leur dignité & autorité ne soit aucunement affoiblie ny deprimee, & que leur iurisdiction qui leur à esté donnee par les Roys vos predecesseurs, soit maintenue & autorisée derechef par l'authorité souueraine de vostre Majesté. D'auantage pour le bien & repos de vostre Royaume, & pour faire viure en bõne paix tous & chacuns vos suiets, faictes s'il vous plaist obseruer les Edicts de Pacification faicts par le feu Roy vostre Pere, en faueur de ceux de la religion pretendue reformee, sans que contre lesdits Edicts & au preiudice d'iceux il soit entrepris & innoué aucune chose. Cherissez vostre peuple & gaignez leur cœur à force de bonté & clemence, car la bonnairété d'un Roy, fortifie son trosne, assure sa Couronne, & attire l'affection des siens, nous en auons les preuues en la personne du Roy defunct & vo-

stre Pere, duquel la clemence estoit la plus riche per-
 le de son cabinet, le plus beau bouton de la couron-
 ne, ayant tousiours en horreur ces preceptes d'un
 Prince trop severe & plein de tyrannie, qui tenoit
 qu'on ne pouuoit trop assuettir vn peuple, au con-
 traire de Tibere, qui se contentoit, non de presser
 l'esponge, ny descorcher la brebis, mais la ton-
 dre seulement, baster de son propre reuenu,
 non des os & du sang de l'indigent, & faisant par
 tout reluire sa douceur & bonté, le montrant en-
 uers ses suiets comme Pere, & enuers les Estran-
 gers comme Seigneur, ainsi qu'Aristote auoit don-
 né pour precepte à Alexandre, aussi Marc Anthoi-
 ne surnommé le Philosophe, disoit que la seule cle-
 mence recommandoit les Princes aux nations cloi-
 gnees, & les deüsoient apres leur mort: aussi est elle
 le baume plus pretieux de l'immortalité, l'huile de
 Cedre qui garde de la corruption & des vers toutes
 nos actions, si elles en sont tant soit peu teintes &
 abreueues: c'est le Parement & le ferme salut des
 Monarchies, disoit vn Stoique, c'est la colonne de
 diamant & le fort appuy de vostre Couronne SIRE,
 & la seule vertu qui faisoit adorer HENRY LE
 GRAND de tout le monde.

F I N.